



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Էսք-գրքի թղթագրություն

Շ. Ա. Բ ա գ վ ի ս պ ի ր է լ ի

ԴԺԲԱՂԴ ԹԱԹՈՍ

կ ա մ

ԻՍԿ ՔԱՄԻՆ ԸՅԳ ՄԻՋՈՑԻՆ ՄՈՆԶՈՒՄ,
ՀԱՌՆՉՈՒՄ ԵՒ ՍՈՒՂՈՒՄ ԷՐ

(Հոգեբանական էսիեզ)

Թարգմանեց Ռուսերէնից
Ա Ի Ե Տ Ի Բ Բ Ա Ր Ս Ա Մ Ե Ա Ն

Թ. Ի. Գ. Լ. Ի Ս

Տպարան Խոփես Վարդանէանցի.

Тип. М. А. Вартанянца Вельяминовская ул. № 7.

1902

2011-03

Շ. Ա. ր ա գ վ ի ս պ ի ր ե լ ի

899.962.1
Ա. 82

ԴԺԲԱՂԴ ԹԱԹՈՍ

կ ա ռ

ԻՍԿ ԲԱՄԻՆ ԸՅԻ ՄԻՋՈՑԻՆ ՄԹՆՁՈՒՄ,
ՀՆԹՆՁՈՒՄ ԵՒ ՍՈՒՂՈՒՄ ԷՐ

(Հոգեբանական էտիկա)

Թարգմանեց Ռուսերէնից

Ա Ի Ն Տ Ի Զ Բ Ա Ր Ս Ա Մ Ե Ա Ն

ԹԻՖԼԻՍ

Տպարան Մովսէս Վարդանեանցի.
Тип. М. А. Вартанянца Вельяминовская ул. № 7.
1902

12 FEB 2013

74.457

Дозволено цензурою. Тифлисъ, 24 Апрелья 1902 г.



Մանչում, հառաչում և սուլում էր այնան պաղ քամին, սաստիկ զընդզընգացնում էր դռների ու լուսամուտների շրջանակները՝ կարծես աղաչում էր ներս թողնել իրեն, բայց Թաթուր չէր լսում նրա ոչ հառաչանքը և ոչ սուլելը: Նա, կուրծքի վերայ դարսելով ձեռքերը, մէկ ոտքով չոքած խոնարհեց թախտի առաջ և չէր հեռացնում իւր շուարած աչքերը Վարթույի հանգած, կեանքից գուրկ երեսից:

Չէ լալիս Թաթուր, արտասուներ չէ թափում, թէպէտ մէկ ժամ էլ չէ անցել, որ իր սիրելի Վարթուն բաժանուէլ է այս աշխարհից:

Թաթուր գիտէ, որ եթէ ոչ վաղը, ապա միւս օրն այդ էակին, որ դեռ քիչ առաջ իրան էր կենդանութիւն ներչնչում, կ'յանձնեն հողին, մշտնջենասպէս կ'հեռացնեն իւր մօտից, և

37 21 2 12

ինքը դարձեալ կ'մնայ մենակ, ինչպէս որ էր մինչև Վարժոյին հանդիպելը:

Բայց, ոչ... Թաթոսը մենակ չի մնայ: Ճշմարիտ է, շուտով Վարժոյի մարմինը կ'յանձնեն հողին, բայց ինքը, Վարժոն լիովին կ'մնայ նրա հետ:

Թաթոն ու Վարժոն այնպէս միաւորուել են հոգով, որ մահն էլ չի բաժանի նրանց, սէրն այնպէս ամուր կապել էր նրանց, որ նա ամեն տեղ կ'լինի նրա հետ: Այդ սրտի խորքից էր զգում Թաթոսը և դրա համար էլ չէր լալիս: Բաւական էր արդէն, ինչքան արտասուք որ թափել էր նրա համար:

Վարժոյի եօթն օրուայ տկարութիւնը կատարելապէս թարչամեցրեց Թաթոսին: Վարժոն սաստիկ տանջուում էր թոքերի բորբոքումով և նրա հետ միասին տանջուում էր և Թաթոսը: Վարժոյի իւրաքանչիւր հեկեկանքը, դժուար շնչառութիւնը, սրածայր դանակի պէս խրուում էր Թաթոսի կուրծքի մէջ ու անգթաբար կտոր-կտոր անում նրա սիրտը:

Վերջապէս երբ նրա կրծքից մի ուժգին և սրտաշարժ ճիչ գուրս թուաւ, նա յանկարծ հանգաւ, տեսներով այդ՝ Թաթոսը հանգստացաւ

ու լռիկ, մտախոհ նայում էր մեռած Վարժոյի երեսին:

Նայում էր Թաթոսը ու ականայ իւր ամբողջ անցեալը նկարուում էր նրա աչքի առաջ:

Ա՛խ, ինչպէս բաղդաւոր էր նա վերջին երկու տարին... Այդ երկու տարին կատարելապէս հարկադրեցին նրան անցեալի յիշողութիւնները մոռանալ:

Վերջին երկու տարիները նոր կեանք ներշնչեցին նրան:

Ի՞նչ էր նա առաջ, մինչ ամուսնանալը, և ինչպէս փոխուեց կեանքը, երբ ամուսնացաւ նրա հետ: Անցեալը հարկադրում էր նրան առել ինքն-իրան և դրանով նրա կեանքը լոկ նահատակութիւն դարձաւ, իսկ բոլոր մարդիկ թուում էին նրան դահիճներ, և իսկապէս նրա բոլոր անցեալը ներկայացնում էր անընդհատ նահատակութիւն, որի մէջ նա մի ծղօտ անգամ չէր գտնում, որ խեղատուրի պէս բռնէր և աւեր՝ թէ կեանքն այլ ևս այնքան դառն ու թունալից չէ, ինչպէս երևում էր նրան:

Մանկութիւնից սկսած նա ոչ մի անգամ, ոչ մի ջերմ, սրտանց խօսք չէր լսել, իսկ առանց դուրան կեանքի մէջ ոչինչ չի կարող

մխիթարական լինել:

Նա միշտ օտարներով է շրջապատուած եղել, միշտ կուպիտ խօսքեր և հայհոյեանք է լսել: Ի՞նչպիսի դժուարութեամբ ազատուեց նրանց մօտից՝ մի ընկերութեան մէջ գրագրի պաշտօն ստանձնելով: «Վերջապէս ազատուեցայ», ասաց նա նոր պաշտօնն ստանալով, բայց դարձեալ խաբուեց: Այնտեղ էլ նա մի ևնոյն կուպտութիւնը, միևնոյն հայհոյեանքները լսեց և... ընկերների ծաղրը... Չ'գտաւ այն, ինչ որոնում էր: Ամենայն օր գնում էր դիւանատուն, որտեղ շարունակ գլուխը քաշ դցած գրում էր, գրում և գրում: Ամեն ամսի քսանին ստանում էր քսանուհինգ բուրլի. կարծես գրանով էին կամենում սփռիել նրա կեանքը: Դիւանատանը՝ մշտական ծաղր ու հայհոյեանք, տանը՝ տաղտկալի միայնակութիւն: Վեանքը Թաթոսի համար իսկական դժուրք էր. ինչո՞ւ համար էր նա կրում այս բոլոր տանջանքները: Մի՞թէ նրա համար միայն, որ մի կտոր հաց ունենայ և ապրի առանց ուրախութեան նշոյլի:

Ի՞նչ անմտութիւն:

Ամբողջ աշխարհում չ'գտնուեցաւ մէկը,

որ կարեկցէր նրան: Ասրում էր նա միայնակ, տանջուելով ծածկաբար, և այդ միայնակութիւնն այնպէս էր յուսահատեցնում ու տանջում նրան, որ նա վճռեց վերջ դնել իւր կեանքին: Մէկ օր մինչև անգամ գնաց գետի կողմը, որ իրագործէ իւր դիտաւորութիւնը, բայց հէնց այդ միջոցին հանդիպեց նրան դրացու աղախինը և այնպիսի սիրալիլ հայեացք ձգեց Թաթոսի երեսին, որ նա ապուշի նման կանդ առաւ իւր տեղը և չէր կարողանում շարժուել տեղից:

Աղջիկը նրա մօտովն անցաւ և իւր յանձնարարութիւնը կատարելուց յետոյ, կրք վերագառնում էր, տեսաւ՝ որ Թաթոսը դեռ նոյն տեղը կանգնած է մնացել:

— Վարժոյ, զոչեց Թաթոսը, կրք աղջիկը մօտեցաւ նրան ու մեկնեց իւր երկու ձեռքը:

— Թաթոս, ի՞նչ է պատահել, քաղցրութեամբ հարցրեց Վարթոն, մեկնելով իւր ձեռքը:

Թաթոսը շտապով բռնեց նրա ձեռքը և ամուր սեղմում էր:

— Ինչո՞ւ այդպէս գունաթափ էիր, Թաթոս, ի՞նչ է պատահել քեզ, աւելի քաղցրութեամբ

կրկնեց Վարժոն իւր հարցը, աշխատելով ազատել իւր ձեռքը:

—Վարժոյ, մի՛ քաշի ձեռքդ, մի՛ քաշի, նախախնամութիւնն ինքն ուղարկեց քեզ ինձ վերկելու... Թաթոսն աղաչում էր այնպիսի ձայնով, որ Վարժոյի ցաւագար սիրտը խղճաց. նա խղճաց նրան, չ'խլեց իւր ձեռքը, իսկ Թաթոսն անխնայ սեղմում էր. նա կանգնած տեղը երեւում էր և երևում էր, որ բան էր կամենում ասել, բայց չէր վճռում:

—Վարժոյ, սկսեց նա դողդոջուն ձայնով ու ամբողջովին կարմրած,—դու... այ՛ն... դու հօ, ես դիտեմ, ամուսնացած չեմ, ուրեմն մի՛ մերժի... իմ կինն եղիր... Վարժոն ցածրացրեց գլուխը ու երկար ժամանակ կանգնած էր լռիկ. իսկ Թաթոսն ամբողջովին դողդողում էր. սառը քրտինք պատեց նրան:

—«Մի՞թէ այսպիսի վայելչագեղ հրեշտակը կ'համաձայնի ամուսնանալ ինձ նման չնչին արարածի հետ. և ի՞նչ իրաւունք ունէի ես այդպիսի առաջարկութիւն անելու նրան», մտածում էր այդ միջոցին Թաթոսը:

Նրա գէմքն արտայայտում էր դառն տանջանք. լաւ... շրջնաց Վարժոն և բարձ-

րացրեց կոպերը, որի տակից երևում էին զիշերի պէս մութ աչերը:

Այո՞, համաձայն ես, Վարժոյ, ուրեմն դու համաձայն ես, ի՛մ Վարժոյ... —Թաթոսը կարծես խելագարւում էր ուրախութիւնից. նա մինչև անգամ չփոթում էր խօսքերը և սեղմում մանկամարդ աղջկայ ձեռքը:— Համաձայն եմ, ի՛մ Թաթոս, թո՛ղ ես կուշանամ,— հանգարտացրեց նրան Վարժոն ու զիմեց զէպի տուն:

Այժմ այս ամբողջ պատկերը պարզ ներկայացաւ նրա աչքի առաջ, երբ մտքով պացաւ դէպի իւր անցեալը. և նրա յիշողութեան մէջ յարութիւն առան շատ երջանիկ ըսպէսներ. նրան այնպէս էր թւում, թէ այս բոլորը պատահեց այժմ, այս վայրկեա նին: Նա ամուր գրկեց անչունչ դիակը ու սեղմեց իւր սրտին. իսկ քամին այդ միջոցին անդադար սուլում, մուչում ու հառաչում էր: Սենեակում եղած լամպարն աղօտ լուսաւորում էր Վարժոյի երեսը:

Երկու տարի դեռ չէր անցել այն օրից, երբ Թաթոսը Վարժոյի հետ ամուսնացաւ:

Նրանք քաղաքի ծայրին վարձեցին մի սենեակ
և այնտեղ ապրում էին ինչպէս ճգնաւոր, խա-
ղաղ, հեռու ամենքից: Նրկու տարուայ ըն-
թացքում այդ սենեակին էր վկայ նրանց բաղ-
դին ու սիրով լի կեանքին. վերածնուած Թա-
թոսին էլ չէին չփոթում ոչ ընկերների ծաղրը,
ոչ էլ այդքան հեռու տեղից ծառայութեան
գնալը. ուրախ երգելով ու սուլելով գնում էր
նա դիւանատուն և այնտեղ աշխատասիրու
թեամբ շարունակ գրում էր, գրում ու գրում:
Իսկ երբ վերադառնում էր տուն, վարժոն
գլխաւորում էր նրան դրան մօտ առանձին
սիրով և ասում. «Իմ սիրելիս, քաղցած չե՞ս
արդե՞ք»: Այս խօսքերը բաղգաւորեցնում էին
նրան և կեանքն արջանիկ էր թւում:

Թաթոսն սկսեց նաև կրեկոնները ծառա-
յութեան գնալ և այդ աշխատանքի համար
նա ստանում էր ասալը բութի, բացի ուճկից:
Այժմ նա հարկագրուած էր աւելի աշխատել,
բայց Թաթոսի համար այդ ոչինչ էր:

Նա զգում էր, որ իւր աշխատանքն ան-
նպատակ չէ: Նա աշխատում էր Վարժոյի հա-
մար և չկար այնպիսի նուէր, որ նա ընծայ-
էր նրան առանց գուարճութեան:

Ա՛խ, ի՞նչ բաղդաւոր էր Թաթոսն այս
վերջին երկու տարին. բայց այժմ քարասիրտ
մահը կեանքով լի Վարժոյին սառը դիակ
գարձեց, մաշեց դժբաղդ Թաթոսին... բայց
Թաթոսը չէր մտնում իրան յուսահատու-
թեան. նա մտածում էր. «Եւս ևս բոլորը չեմ
կորցրել, ևս կ'լցնեմ իմ գատարկ կեանքը յիշո-
ղութիւններով. կ'աղօթեմ նրա համար, մինչև
որ ես էլ գնամ նրա մօտ»: Եւ այդ միջոցին
քամին մռնչում էր, կարծես թէ աշխատում էր
Թաթոսի ուշադրութիւնը դարձնել իւր վերայ,
բայց Թաթոսը չէր լսում: Այդ ժամանակ լսուեց
գրան թխթխկոց:

Ո՞վ էր արդեօք:

Ո՞վ կարող էր գալ Թաթոսի մօտ իննե-
րորդ ժամին, երեկոյեան: Նրա մօտ սովորա-
բար ոչ ոք չէր գալիս. նոքա այնպէս բաղդա-
ւոր էին երկուսով, որ կարիք չէին զգում հիւ-
րերի այցելութեան. նոքա ոչ ոքի մօտ հիւր
չէին գնում և ոչ էլ հրաւիրում իրանց մօտ.
Վարժոն ամբողջ շաբաթը մահի հետ էր կուռում
և բոլորովին ոչ ոք չէկաւ նրանց մօտ: Իսկ
այժմս ո՞վ մտածեց գալու:

Այդ մտածելիս աւելի գորեղ թխթխկոց

լսուեց: Թաթոսը ձեռքը քսեց ճակատին և դիմեց դէպի դուռը:

«Ո՞վ կարող էր լինել, արդեօք ծառայութեան հօ չեն կանչում ինձ...—մտածեց նա ու բացեց դուռը. բաւականին երկար խնդրելուց ու աղաչանքից յետոյ վերջապէս յաջողուեց քամուն ներս մտնել սենեակ. նա սկսեց ուրախութեամբ խաղալ,—արագութեամբ բոլոր անկիւնների շուրջը վազվզել, շրջապատել Վարթոյին ու յետոյ պատերազմել լամպարի հետ, որի մէջ յանկարծ բոցը զօրեղ կերպով բորբոքուեց և իսկոյն հանգաւ:

Աշտակ է բնակուում Վարթոյ Մակարաձէն,—հարցրեց անծանօթ ձայնը:

Այո, այստեղ է. .

Ո՞վ ես դու:

Այս նրա համար եմ բերել,—պատասխանեց անծանօթը, յանձնելով մինամակ: «Նրբի, ընկերուհին է ուղարկել», մտածեց Թաթոսը և վառեց լամպարը: Վարթոն յաճախ էր ստանում նամակներ այդ ընկերուհուց և բովանդակութիւնը պատմում Թաթոսին, սակայն ինքը Թաթոսը ո՛չ մի անգամ չէր կարդում այդ նամակները. և ոչ մի անգամ չէր եկել նրանց

մօտ այդ ընկերուհին. ինչո՞ւ համար ինքը կըրկին կարգար այդ նամակները. չէ՞ որ Վարթոն միշտ նրան հաղորդում էր նրանց բովանդակութիւնը, նրան մինչև անգամ ուրախութիւն էր պատճառում, որ Վարթոն ինքն էր պատմում և նամակը չէր տալիս Թաթոսին կարգարու:

Միթէ նրա համար աւելի գերագասելի չէր իւր սիրելի Վարթոյի պատմածը լսել: Եւ ինչպէս քաղցր էր պատմում նա: Ըսկ երբ վերջացնում էր պատմութիւնը, Թաթոսը յաճախ համբուրում էր նրա կարմրած շրթունքներն ու անդադար ապաստում նոր, նոր պատմութիւնների:

—Վարթոյ, սիրելիս, նամակդ... չորքերով մրմնջաց Թաթոսը ու մօտեցրեց նամակն երեսին. նա ուշադրութեամբ նայում էր նրա վերայ, կարծես կամենում էր իմանալ թէ ինչ անէ նամակը. բայց լուռ էր, լամպարի վալվըլուն լուսով հագիւ կարելի էր նկատել նրա ծածկած աչքերն ու յաւիտեան քնած դէմքի գծագրութիւնը:

—Սիրելիս, Վարթոյ, ահա Գարոյի գրած ամակը, բայց ինչո՞ւ համար... յիշում ես, դու

ուրախութեամբ ստանում էիր ու պատմում բովանդակութիւնն ինձ. իսկ այժմս, ինչո՞ւ... Ա՛խ... Թաթուր ծածկեց նորան ջերմ համբոյր-
ներով:

—Այժմ ես կարգամ, ես պատմեմ քեզ Դարոյի գրած նամակի բովանդակութիւնը... Նրևի սա քո սիրելի Դարոյիցն է,—արտասանեց Թաթուր ու բացեց ծրարը. «Սիրելի Վարբայ», — Լսում ես, իմ Թանկագին, —նա գրում է: «Սիրելի Վարթոյ», դարձեալ դարձաւ նա դէպի հան-
գուցեալը և նորից սկսեց կարգալ բարձրա-
ձայն: «Ես կ'կամենայի ամենայն օր յինել քեզ հետ, ամենայն բոպի համբուրել, գրկել քեզ ու հանգստանալ քո կրծքի վերայ. սակայն դու նշանակել ես միմիայն երկու օր շաբաթը, այն էլ այս քանի օր է չես գալիս»:

—Ի՞նչ, գոչեց նա, կարծես թէ ամպի գուռոցն ապշեցրեց նրան. նա նայեց Վարթոյի երեսին:

Նա հանդարտ էր, նա չէր լսում ոչինչ և չէր հասկանում այն, ինչ որ ասում էին նրան:

—Վարթոյ, այս ո՞վ է գրում —պատաս-
խան չ'կար. նա նայեց ստորագրութեանը և կարդաց. «Քո Վախտանգ»:

—Ո՛չ, ո՛չ... սուտ է, սո՞ւտ.— խուլ ձայ-
նով արտասանեց նա ու ամբողջ մարմնով դի-
ղալով սկսեց շարունակել կարգալը. «Դու հո
գիտես, սիրելիս, որ ես շուտով գնալու եմ
գիւղ, որտեղ կ'մնամ երկու ամիս. ես միմիայն
քո նամակները կ'մխիբարեն ինձ այնտեղ. քանի
որ այստեղ եմ, սիրելի Վարբայ, զուարճացրու
ինձ քո փայփայանքով. դու յիշում ես, ինչ
բաղդաւոր էինք միասին անցեալ շաբաթ:
Արդեօք հո ջ'մրսեցնար, աղաւնեակս, զարնու-
րելի մրրիկ էր, երբ մենք բաժանուէցինք.
Ճ'լինի քե, դու տկարացար եւ այդ պատճառով
ճ'եկար նշանակուած ժամին. Աստուած ազա-
տե... Ես կամենում էի ինքս գալ քեզ մօտ
այսօր, սակայն ճ'վճուէցի. յիշում եմ, դու
ասել ես ինձ, որ ամուսինդ նամակներդ չէ
կարդում, այդ պատճառով ես գերադասեցի
կրկին գրել քեզ. վաղն անշուշտ կ'սպասեմ.
Խախտեան քո Վախտանգ» — Ա՛խ... — դուրս
Թուաւ Թաթուսի կրծքից: Նա վեր թուաւ տե-
ղից և յանկարծ բռնեց իւր սիրտը. դողն ընդ-
զրկեց նրան. նա կոտորում էր ձեռքերը և
պատառոտում գգեստը...

—Ա՛խ— սկսեց ողբալ նա ու երկու ձեռ-


քով բռնեց մագիւրը, կարծես կամենում էր
կարգի բերել իւր մտքերը: Նրա գլուխն այր-
ւում էր, քունքերը բաղխում էին և յանկարծ
ամեն բան մթնեց: Նրա ջղերը թուլացան,
չ'կարողանալով դիմանալ այդ հարուածին. նա
խորը շունչ քաշեց և ուժասպառ վայր ընկաւ
թախտի առաջ, յատակի վերայ:

Այդ շնչով երևում էր, դուրս թռաւ
նրա սրտից այն բոլորը, ինչ որ կազմում էր
նրա սրտի սրբութիւնը, որի մէջ ամփոփուած
էր նրա հաւատը և այն, որ կապել էր նրան
կեանքի հետ:

Այժմ նա ոչինչ չէր զգում:

Վարթոյի նման նա ոչինչ չէր լսում,
ոչինչ չէր զգում, չ'նայելով որ քամին շարու-
նակում էր ողբաձայն սուլել, հաւաչել և
մոնչել...:

Վ Ե Ր Ջ



« Ազգային գրադարան



NL0387055

74.457



Գիմեր Թիֆլիսի կենտրոնական գրասենյակի
մատակարարում.

899.962.1

Ա-82